

SAMÞYKKT

um breytingu á samþykkt um stjórn Kópavogsbæjar og fundarskóp bæjarstjórnar nr. 538/2010.

1. gr.

57. gr. samþykktarinnar verður svohljóðandi:

Bæjarstjórn kýs fulltrúa í eftirtaldar nefndir, ráð, stjórnir og embætti:

A. **Til eins árs** á fundi í júní ár hvert:

1. *Bæjarráð*. Fimm bæjarfulltrúa sem aðalmenn skv. 38. gr. sveitarstjórnarlaga nr. 45/1998. Þeir aðal- og varafulltrúar, sem kosningu hafa hlotið af sama framboðslista og hinn kjörni bæjarráðsmaður, verði varamenn hans í þeirri röð sem þeir skipuðu listann.
2. *Forseta og tvo varaforseta bæjarstjórnar* skv. 14. gr. sveitarstjórnarlaga nr. 45/1998.
3. *Tvo skrifara og tvo til vara* úr hópi bæjarfulltrúa skv. 16. gr. samþykktar þessarar.

B. **Til fjögurra ára**. Á fyrsta eða öðrum fundi að afloknum sveitarstjórnarkosningum:

1. *Almannavarnarnefnd höfuðborgarsvæðisins*. Tvo aðalmenn og jafnmarga til vara skv. 9. gr. laga um almannavarnir nr. 82/2008.
2. *Barnaverndarnefnd*. Fimm aðalmenn og jafnmarga til vara. Nefndin starfar skv. lögum nr. 80/2002.
3. *Brunabótafélag Íslands*. Einn aðalmann í fulltrúaráð Brunabótafélags Íslands og einn til vara skv. 9. gr. laga um Eignarhaldsfélagið Brunabótafélag Íslands nr. 68/1994.
4. *Félagsmálaráð*. Fimm aðalmenn og jafnmarga til vara skv. 5. gr. laga um félagspjónustu sveitarfélaga nr. 40/1992. Félagsmálaráð fer jafnframt með hlutverk húsnæðisnefndar skv. 6. gr. laga um húsnæðismál nr. 44/1998.
5. *Forvarna- og frístundanefnd*. Fimm aðalmenn og fimm til vara.
6. *Framkvæmdaráð*. Þrjú aðalmenn og jafnmarga til vara. Framkvæmdaráð fer með mannvirkjagerð, eignarekstur, veitustarfsemi, samgöngumál og innkaup samkvæmt innkaupa-reglum Kópavogsbæjar.
7. *Hafnarstjórn*. Aðalmenn til samræmis við ákvæði reglugerðar um Kópavogshöfn og jafnmargir til vara skv. 4. gr. hafnalaga nr. 61/2003.
8. *Heilbrigðisnefnd*. Tvo menn og tvo til vara skv. 11. gr. laga um hollustuhætti og mengunarnir nr. 7/1998.
9. *Íþróttaráð*. Fimm aðalmenn og fimm til vara.
10. *Kjaranefnd*. Tvo aðalmenn og jafnmarga til vara.
11. *Kjörstjórn við alþingiskosningar* skv. 15. gr. laga um kosningar til Alþingis nr. 24/2000.
 - a) Þrjú menn í undirkjörstjórn og þrjú til vara.
12. *Kjörstjórn við sveitarstjórnarkosningar*. Þrjú aðalmenn og jafnmarga til vara skv. 14. gr. laga um kosningar til sveitarstjórna nr. 5/1998.
 - a) Hverfiskjörstjórn. Þrjú aðalmenn og jafnmarga til vara.
 - b) Undirkjörstjórn. Þrjú menn og jafnmarga til vara.
13. *Leikskólanefnd*. Fimm aðalmenn og fimm til vara skv. 9. gr. laga um leikskóla nr. 90/2008.
14. *Jafnréttis- og mannréttindaráð*. Fimm aðalmenn og jafnmarga til vara. Nefndin fer með mannréttinda-, lýðræðis- og jafnréttismál skv. 12. gr. laga um jafna stöðu og jafnan rétt kvenna og karla nr. 10/2008.
15. *Reykjanesfólkvangur*. Einn aðalmann í nefnd um Reykjanesfólkvang og einn til vara.
16. *Skipulagsnefnd*. Fimm aðalmenn og fimm til vara skv. 6. gr. skipulagslaga nr. 123/2010. Nefndin fer jafnframt með ferlimál.
17. *Skodunarmenn*. Tvo aðalmenn og jafnmarga til vara skv. 69. gr. sveitarstjórnarlaga nr. 45/1998.
18. *Skólanefnd*. Fimm aðalmenn og fimm til vara skv. 13. gr. laga um grunnskóla nr. 91/2008 og samningi Kópavogsbæjar og menntamálaráðuneytis um skólahald á framhaldsskólástigi í Kópavogi frá 14. maí 1982.
19. *Stjórn Héraðsskjalasafns*. Þrjú aðalmenn og jafnmarga til vara.

20. *Menningar- og þróunarráð*. Sjö aðalmenn og jafnmarga til vara. Stjórnin fer með menningar-, markaðs-, ferða- og atvinnumál. Hún fer jafnframt með stjórn bókasafnsins skv. 7. gr. laga um almenningubókasöfn nr. 36/1997, Tónlistarhúss Kópavogs – Salarins, Tónlistarsafns Íslands, Listasafns Kópavogs – Gerðarsafns, Náttúrufræðistofu Kópavogs og Lista- og menningarsjóðs. Ráðið fer jafnframt með vinabæjarsamskipti.
21. *Stjórn Lífeyrissjóðs starfsmanna Kópavogsbæjar*. Tvo aðalmenn og jafnmarga til vara skv. gr. 4.1 í samþykktum um sjóðinn frá 1. september 2009.
22. *Stjórn skíðasvæða höfuðborgarsvæðisins*. Einn aðalman og einn til vara.
23. *Stjórn Sorpeyðingar höfuðborgarsvæðisins bs.* Einn aðalman og annan til vara skv. samþykkt bæjarstjórnar frá 12. janúar 1988.
24. *Stjórn SSH*. Einn aðalman og annan til vara skv. 5. gr. samþykkt um SSH frá 6. nóvember 2009.
25. *Stjórn Strætó bs.* Einn aðalman og einn til vara skv. 5. gr. stofnsamnings frá 7. maí 2001.
26. *Stjórn Tónlistarskóla Kópavogs*. Tvo aðalmenn og jafnmarga til vara skv. 2. gr. laga um fjárhagslegan stuðning við tónlistarskóla nr. 75/1985.
27. *Stjórn Tónsala*. Einn aðalman og einn til vara skv. 2. gr. laga um fjárhagslegan stuðning við tónlistarskóla nr. 75/1985.
28. *Umhverfis- og samgöngunefnd*. Fimm aðalmenn og jafnmarga til vara. Nefndin fer með umferðarmál skv. heimild í 2. mgr. 116. gr. umferðarlaga nr. 50/1987 og umhverfismál skv. lögum um landgræðslu nr. 17/1965 og 10. gr. laga um náttúruvernd nr. 44/1999.

2. gr.

Samþykkt þessi, um breytingu á samþykkt um stjórn Kópavogsbæjar og fundarsköp bæjarstjórnar nr. 538/2010, sem bæjarstjórn Kópavogsbæjar hefur sett samkvæmt ákvæðum 10. og 25. gr. sveitarstjórnarlaga nr. 45/1998, staðfestist hér með til að öðlast þegar gildi.

Innanríkisráðuneytinu, 9. febrúar 2011.

F. h. r.

Hermann Sæmundsson.

Stefanía Traustadóttir.